



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 29. De Productione ad populum.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO XXIX.
DE CHRISTI AD PO-
PVLVM PRODVCTIONE.

PVNCTA MEDITATIONIS

- Ioan. 19.* I. Exiuit Pilatus foras, dicens: adduco vobis eum, vt cognoscatis quia nullã inuenio in eo causam.
- II. Exiuit IESVS portans spineam coronam & purpureum vestimentum.
- III. Pilato dicente: ECCE HOMO; clamabant Pontifices: Crucifige, crucifige eum.

PROPHETIÆ.

- Ierem. 1.* **O** Vos omnes, qui transitis per viam, attendite, & videte, si est dolor, sicut dolor meus.
- Isaia 53.* Et vidimus eum, & non erat aspectus.
- Ier. e. 2.* Facta est mihi hereditas mea, quasi Leo in sylua; dedit contra me vocem.

DOCUMENTA.

- I. **C**ONTEMPLARE Dominum illa specie, qua fuit à Pilato ostensus, id est humilem, nudum, flagellatum: & cogita

ta, si ipse sit via, hac eundem tibi esse, si quidem ad vitam cupias peruenire.

2. Si consideremus ignominiam regis Angelorum, non magnoperè solliciti erimus, quo loco nos habeat mundus. Ne ergo pudeat nos pro Christo apud homines esse contemptui: quando ille coram inimicis suis tanto pudore sustinuit affici.

3. *Ecce homo*, inquit Pilatus. Volebat Dominus ostendere talem esse hominem per peccatum in animo: plenum scilicet vulneribus & doloribus, qualem ille setum in corpore suo sanctissimo demonstrabat.

4. Si miserabilis Saluatoris aspectus, non potuit inimicorum animos retrahere ab inferenda illi nece: debet saltem nos, qui amicorum nomine censerì volumus, à continuis ipsius offensionibus retardare.

5. Christum flagellatum & contemptum ostendunt populo, qui vocatione sua relicta, cum Christi contemptu & bonorum scandalo se mundo ostendunt.

6. Si peccatis aut tentationibus occupati sumus, ostendamus Saluatoris hanc speciem aeterno Patri, quam Pilatus Iudæis ostendit. Si enim ea erat illius species, quæ animos hostiles mouere posset, quanto facilius, viscera paterna mouebit, vt misereatur nostri.